

Ne Wënd yuurã barka, a Dũni gũbg-n-yols Naabã, a Yaoolem raarã welg-n-yols Naabã, la d sungd d tuumdã.

Alkurãan wagellã yaa bõe?

Alkurãan wagellã, yê yaa Wënd goamo, sên yaa bõn-naandsã Naanbã la b Naandã, A sik-a la nabiyaam-rãmbã la tēn-tuumbã Pidsdã zugu a Mohammad -Wënd puusg la A tũgr be a yĩnga- buil yĩng t'a na vēneg n wilig ninsaalbã bũmb ning yĩng Wënd sên naan-ba, la sên na yilē n leb n kãnd-ba n tug bũmb ninga b zu-noog sên be a pugē, Dũni pugē la Laahre, n leb n na n pōsg-ba n yi zu-beed ning sên ka tar tēka kũumã poorē wã, la yê me la Wënd Gaf-rãmba baasgo sigbã wēngē, n sidgd Gaf-rãmb nins sên reng taorã, n kell n yēesd a Šari-rãmbã.

La Alkurãan wagellã, yaa tagmase, n yaa yel-solemd sên ka tar tēka, a yaa tagmas sên wiligd Wēn Tēn-tuumã nabiyaamdem, a Mohammad -Wënd puusg la tũg be a yĩnga- Wënd geesa zĩn-rãmbã la ninsaalbã ti b wa ne a bilg-n-taare, n pus n yeel ti b wa ne baa ti yaa sên wõnd wala Suura a yembr bala sên yi a pugē, la b kongã rēnda.

Gõdgr la toeeng nug ka ta-a ye, a sên siga tēka sên yud yuum 1400, a na n leb n paame me, ti yaa b sên gfũ-a ne Laarabiimd ninga a sên sig ne wã, bala yaa Wēnde n reeg A Zugē -A Naam ylgame n zēke- n na n gũ Alkurãanã, n tug n tãag zamaana baasgo.

La Alkurãan wagellã, yēnda la yēg bedre, lislaoongã pugã, n leb n yaa tikr ningã sên tuusd ninsaalbã vumã la a buud-a zamaan la zĩig fãa pugē, a boondame n tugd ti b tũ Soabã sên yaa Naandã A Yembr Tãa, la a vēnegd bũmb ning ninsaal sên tar tulsem ne-a sên na n bãng a Soabã la a dĩnã, la a wiligd dũni wã naaneg singre, la ninsaal naanegã lolongo la a wakat-rãmbã, la a togsd yel-soomdi sēnb reng taoore la sên na n wate, la a togsd nabiyaam-rãmb kudunde sên reng taoore -tũgr be b yĩnga- la a wiligd yalē ning Wēnd sên sōng-ba la A sên halk b bæbã, tũudumã yēgã me la tum-n-taarã la bool-n-tug zug sōmbsã fãa be a pugē, be a pugē sên yaa bugsgu n yi zug wēnse, la baasgã sên na n yi a soaba yaoolem rãarã; maa ti yaa arzãn sên yaa sid-kõtbã zaka, maa ti yaa Bugum sên yaa wēgdbã la kũfr-rãmbã zaka.

La Gaf-kãngã sên yaa zisgã Wēnd sên sik-a ne Laarabiimbdã, Gaf ning Wēnd sên sagl ti b taas-a ninsaalbã; a sên loe zugã yĩnga, rē n noom tōndo -foom a karemd-wagelle- ti d na n kō foom a maana wã sên lebg ne fo buudã goam, ti yaa sên na n yols a fasengã n na n leb n sidg a taoosgã, la tuumdã sullã b nidga pãng wusgo a maanã wã fasēng pugē la a lebgrã pugē, n lagem ne tōnd sên tar bãng-n-wãag ti ninsaal tuumde, ba a sên wa n tug n ta sōmã tēkē, a na n kell n baasame bala n kuvg koēega n ka tōog n kō maana zĩsd nins Alkurãanã gulsmã sên wiligd-a ye, bala a yaa bũmb sên yud Adam Biig fãa tuumde, la ned ning sên wa n rata n bãng hakuk-rãmba Alkurãanã sên wa ne wã n paase; d sagend-a lame t'a karem Laarabiimbdã Alkurãanã sên sig ne gom-biis ninsã.

La tũgr be ne tēn-tuumbã, la pēgr be ne Wēnde sên yaa bon-naandsã Soaalã.

Alkurãan wagellã bãnggrã tigsgã sullã (Ånskolopedi)

F tõe yēnda Alkurãanã maasã ne fo buudã gomde, ti f sã eskane QR koodã ne fo telefondã kamera Tōnd sũur yaa noogo, ti d sã n paam yãmb tagsgo maa y gesgo sên na yilē n kēng ne goamã lebgr taoore, sên tũud ne gesgã zĩigē wã sên be Aayar fãa taorã, sên be Alkurãan wagellã bãnggrã tigsg zĩigē wã Ēnternēta zugã (www.quranenc.com), la tulsem sã n wa be ne ned ning t'a rat n sōs ne tōndo, a tõe gulsa tōnd emĩl kãnga zugu: info@quranenc.com .

Ne Wēnd yuurā barka, a Dūni gūbg-n-yols Naabā, a Yaoolem raarā welg-n-yols Naabā, la d singd d tuumdā.
Alkurāan wagellā yaa bōe?